



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 48. S. Petri Tarentasiensis supremum tempus.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII.
A.C. 1174.

quarum prima ad omnes Episcopos, Ab-
bates, ceterosque Franciæ Prælatos, se-
cunda ad Regem Ludovicum, quem Pa-
pa hortatur, ut monasterii Claravallen-
sis, ubi Sancti Bernardi corpus quiesce-
bat, tutelam suscipiat, tertia ad omnes
Abbates Ordinis Cisterciensis, & quarta
ad Abbatem Claravallensem ejusque
Congregationem dirigitur. Ita S. Ber-
nardus post annos mortis suæ viginti &
menses quinque Sanctorum numero as-
sertus est.

§. XLVIII.

*S. Petri Tarentasiensis supremum
tempus.*

Subidem tempus Alexander Papa S. Pe-
trum Archiepiscopum Tarentasien-
sem in Franciam misit, ut Reges Fran-
ciæ & Angliæ reconciliare conaretur, ex
quorum discordia tot hominum cædes,
provinciarum pernicies, & Ecclesiarum
ruina proficiscebantur. Hæc vero Sum-
mi Pontificis mandata reddita sunt S. Pe-
tro deliberanti, an non equi, quos pau-
cos habebat, venundandi essent, quo
pauperum inopiam sublevaret; cumque
hac de re Henricum, tunc Abbatem de
Hautecombe, deinde ad Claramvallem
translatum, & tandem Cardinalem Epi-
scopum Albanensem, consulisset, is Ar-
chiepi-

chiepiscopum monuerat, ipsum forte pe- Sæcul. XII.
 dibus iter facientem posse provinciam A.C. 1174.
 suam lustrare, sed si in regiones remotio-
 res excurrendum esset, quod certe futu-
 rum, sine equis labori non suffecturum.
 Dum pie consultant, adest cursor a Papa
 missus cum mandatis; Petrus quam ce-
 lerrime posset in Franciam proficiscere-
 tur. Ergo Præsul, accepto socio Abbate
 Cisterciensi, viæ se commisit, in quo iti-
 nere complura miracula edidit.

S. Petrus Ludovicum Regem habuit
 Calvimonti in Vexino, cum Henrico Re-
 ge juvene, genero suo, qui venienti
 S. Præsuli obviam procedens, ubi eum
 conspexit, ex equo defiliit, pedesque e-
 jus amplexus, repugnanti deinde Hume-
 rale detraxit, cujus particulas jam prius
 alii rescuerant. Monachis vero Ar-
 chiepiscopi sociis Regem juvenem inter-
 rogantibus, in quem usum vetustum cen-
 tonem in thesauro suo vellet reponere,
 respondit: *Alia vobis esset sententia, si
 sciretis, quot agroti attactu cinguli e-
 jus, quod aliquot abhinc annis dono ac-
 ceperam, sanitati fuerint restituti.* S. Præ-
 sul, ex quo advenisset, non nullis patra-
 tis miraculis omnium admirationem rap-
 puit, ac præter alia puero duodenni, &
 ab annis septem cæco, duobus Regibus
 & Comite Flandriæ præsentibus, lumen
 reddidit in hunc modum: puero, quem

Sæcul. XII.

A.C. 1174.

cum matre sua Regum Pratoriani repellabant, accedere jusso, ejusdem manui denarium inseruit, mox digitis suis propria saliva madefactis, infantem signo Crucis in oculis & in capite munivit, breviterque oravit. Spectantibus vero Regibus aliisque & invicem quærentibus, an serio hæc ageret, aperiuntur pueri oculi, denarium & circumstantes aspiciit, dicens: *Mater video jam, video omnia.* Illa ad Archiepiscopum tanquam ad aram refugii conversa, & in genua provoluta, extensis manibus levatisque in cœlum oculis ardentissime oravit. Rex Franciæ, miraculi adjunctis ad examen revocatis & cognita veritate, ante puerum genuflectit, Divinam in eo adorans omnipotentiam, tum oculos ejus caputque osculatus eleemosynam offert.

In die cinerum, hoc anno millesimo centesimo septuagesimo quarto in sextam Februarii incidente, ambo Reges ad Monasterium *de Mortemer* Ordinis Cisterciensis, in Silva Lugdunensi in Normannia positum, se contulerunt. S. Præsul, Sacris operatus, ambos Reges cinere asperxit, iterumque Equitem, qui pridem accepto vulnere oculorum alterum amiserat, sanavit, & pluribus aliis prodigiis, ejus orationem sequentibus, Giffortii in Abbatia *Pere & Hautebruyere* Sanctitatis opinionem auxit. At nullus
alius